

COMUN: **Incuntades dla popolaziun** cun l'ombolt, la junta y le consëi de comun

San Martin: incö domënia, 8 de novëmer, dales 10.30, tl salf di stödafluch

Lungiarü: domënia, 22 de novëmer, dales 9.15, tl salf dla scora

An pó indô jí a se lascé fá les **vacinaziuns cuntra les coies** dai doturs Agreiter y Mahlknecht tratan les ores d'ambulatory.

Aldiënza dla defensurja zivica Gabriele Morandell o dla vize Verena Crazzolara, en vëndres, ai 13/11, dales 14.30-16.00, a San Martin tla ciasa de comun (0471 301 155)

PLOANIES SAN MARTIN Y LUNGIARÜ

En lönesc (09/11), dales 20.00, **secunda incuntada sura le vangele do San Lûca.**

Por geniturs che á n pice möt da batié, përs che aspeta, toc y totes **preparaziun al bato** en sabeda (14/11) dales 15.00 -17.00, tla calonia da S. Ciascian. Prenoté 0471/849 372.

ADVËNT: An po aposté les mësses de Rorate fistidian ince por le letur y les supliches. Por i defunc ne n'aldel nia da aposté mësses de Rorate.

Por la pröma domënia d'Advënt pón porté te dljia a benedí les gherlandes d'Advënt ch'an mët sö a ciasa.

siur Ploan

VALGÜGN TERMI IMPORTANC TL DAGNÍ:

- En Santa Maria, ai 08/12, dales 15.00 contlujiun **Sinoda Diozejana** tl dom da Porsenú

- Inaudaziun dl **Ann Sant dla Misericordia** (che se röia ai 20.11.2016):

- la domënia di 13/12, dales 6.30 (Rorate) tl dom da Porsenú

- en Nadé, ai 25/12, dales 10.00 (Mëssa de Nadé) tl dom da Balsan

- en Nanü, al 01/01, dales 16.00 a Weißenstein

- La sabeda di 23.04.2016: peregrinaje dla Val Badia y de Gherdëna a Porsenú

- Dai 25 ai 28 d'aurí 2016: peregrinaje diozejan a Roma

- La domënia di 23.10.2016: lîta di consëis de cöra

Tles ploanies:

- Domënia ai 08 de ma 2016 Pröma Comuniun a San Martin

- Domënia ai 22 de ma 2016 Pröma Comuniun a Lungiarü

- Domënia ai 28 de ma 2017 Confermaziun cun le Vësko (2016 degöna confermaziun)

LUNGIARÜ

En domënia, ai 15 d'otober, do la gran mëssa, é döta la comunité inviada ia tl salf dl paisc a na **fešta de reconescënza di sorvisc che vëgn fac tla ploania.**

Conzert dla Musiga Val Badia (a fle) a Corvara tla hala da tennis en sabeda (14/11) dales 20.30, cun le sopran Anita Obwegs sot ala direziun de Gert Buitenhuis.

Invit ai Seniors da San Martin y Antermëia en domënia, ai 15 de novëmer, a San Martin tl salf dla refeziun do la Gran Mëssa a na picia lotaria, marëna y ciastagnada. Prisc 10 euro porom. Prenoté cina ai 12 de novëmer: chi da S. Martin pro Alfred 333 36 54 786 o Gotti 328 64 72 341, y chi da Antermëia pro Loise 329 13 98 721.

Domisdé cun **jüé da mësa** por familia ai 11/11, dales 15.00-17.00, tla biblioteca La Ila

L'EPL-Ert por i Ladins inviëia ala presentaziun dl **Calënder Ladin 2016** y dla CD de musiga da ciantatur nöia dal titul "Perde" de Jan Daniel Granruaz, en vëndres, ai 13 de novëmer, dales 20.00, tl salf da conzert dla Scora de musiga a Al Plan.



www.valbadiaonline.com

Plata dles Ploanies San Martin y Lungiarü



www.unitepastoral.org

siur Iaco Ploner 333 48 32 765 / 0474 453 003 - ploner.jakob@aruba.it

redaziun: anton.gasser@rolmail.net - 348 27 44 517 / 0474 523 194

08.11. - 15.11.2015 nr. 50

termo da publiché: jöbia 20.00

radio: 90,40 / 93,70

32ª DOMËNIA IA POR L'ANN B

Vangele: Merch 12,38-44

Canche Gejù ê n iade sentè defrunt ala cassa dal'oferta, çiarâl pro coche la jënt sciurâ scioldi tla cassa.

Al n'ê tröc de ric che gnô y che dê tröp.

Spo él ince gnü na püra vëdua

y à sciuré ite döes de pices monëdes.

Al à cherdé pormez sü discepu y à dit:

Amen, i ves diji:

Chësta püra vëdua à sciuré tla cassa

dal'oferta deplü co düc i atri.

Deache düc à ma sciuré ite val'

ch'ai â dessurora,

mo chësta ëra, che à apëna da vire,

ara à dè döt çì ch'ara â, döt so avëi por vire.



Canche Gejù vëgn a baié de scioldi, vëgn la cossa complicada.

Al ne va nia ma sura les regoles fora ch'i aratun iüstes por na vita regulara, mo al baia propi te na manira nia da capí.

Al lalda la vëdua che dá ca döt de ci ch'ara á debojëgn por se trá le vire y che é spo sforzada da vire söl cunt dles ofertes di ric che dá danter l'ater tröp, y che vëgn impó cospetá.

Canche Gejù la fej complicada, ól nes provocé y nes mëte a ponsé do. Aldin la storia de chësta vëdua, podéssel ester ch'i sunse ince nos miná. Co s'astilunse pa nos cun nüsc scioldi?

Forsc ne ti vara a Gejù gnanca tan di scioldi:

nia de tan ch'i dá, sce tröp o püch, mo de me dé me instës:

Nia ma mi avëi, ince mies forzes y mies poscibilités

mëssi mëte a sorvisc por le règn de Dî.

Mia desponibilité po avëi n gröm de formes

a chëres ch'i sun invié da ponsé do y da ti jí a funz.

	SAN MARTIN		LUNGIARÜ
08.11.15 32^a Domënia ia por l’ann	FESTA DL PATRON DLA PLOANIA SAN MARTIN 9.00 Corona 9.30 Gran Mëssa dla comunité en onú de San Martin dl ann + siur Franz Aiarei	08.11.15 Domënia	7.55 Corona 8.15 Gran Mëssa dla comunité 14.00 Via Crucis (dal crist di Pinis demez)
09.11.15 Lönesc <i>Segra dla Basilica dl Lateran, Roland</i>	20.00 Cërtrl dla Bibla te calonia	09.11.15 Lönesc	20.00 Cërtrl dla Bibla te calonia a San Martin
10.11.15 Dedolönesc <i>Leo le Gran, Iustus</i>	19.30 Mëssa familia de Franz Planatscher + Frida Prada	10.11.15 Mertesc	
11.11.15 Dedemesaledema <i>Martin da Tours, Martina</i>	17.00 Prozesciun cun les linternes cun i scholarins y i mituns y festa de San Martin te dljia	11.11.15 Mercui	7.30 Mëssa familia Carlo Castlunger + + + Giovanni, Sabina y Lotte Clara
12.11.15 Jöbia <i>Iosafat, Renat</i>	7.30 Mëssa + Franz y Maria Bioc + + Rita y Roberta Costabiei + Milia Kostner Corona por vocaziuns	12.11.15 Jöbia	
13.11.15 Vëndres <i>Carl Lampert, Stanislaus</i>	19.00 Adoraziun chîta 19.30 Devoziun eucaristica	13.11.15 Vëndres	7.30 Mëssa + Oliva Irsara dl ann + Ludmilla Mischi, Costa
14.11.15 Sabeda <i>Alberich, Veneranda</i>	15.30 Mëssa tla Ciasa de Palsa 18.30 Mëssa prefestia + + Sciandro y Hannele Trebo + Linda Mühlmann + + Pescosta da Verda + Franz Canins (dl ann)	14.11.15 Sabeda	20.00 Mëssa prefestia familia Klaus y Karin Costa + Ivo Sorá
15.11.15 33^a Domënia ia por l’ann B Domënia dla Caritas	9.00 Corona 9.30 Gran Mëssa dla comunité Oferta por la Caritas	15.11.15 Domënia	7.55 Corona 8.15 Gran Mëssa dla comunité por i benefaturs y chi che fej n sorvisc Oferta por la Caritas